

題石林詞

右丞葉公以經術文章為世宗
儒翰墨之餘作為歌調亦妙天
下元符中予兄聖功為鎮江掾
公為丹徒尉得其小詞為多是
時妙齡氣豪未能忘懷也味其
詞婉麗綽有溫李之風晚歲落
其華而實之能於簡淡時出雄

傑合處不減靖節東坡之妙豈
近世樂府之流哉陳德昭始得
之喜甚出以示余揮汗而書不
知暑氣之去也詩云誰能執熱
遊不以濯公詞之能慰人心蓋
如此紹興十七年七月九日東
廡闌注書

宋六十名家詞

石林詞序

二

石林詞

目錄

賀新郎 一調

水調歌頭 七調

八聲甘州 四調

念奴嬌 三調

滿庭芳 三調

滿江紅 二調

應天長 一調

定風波 四調

江城子 五調

竹馬兒 一調

浣溪沙 八調

永遇樂 二調

臨江仙 十九調

虞美人 八調

減字木蘭花 三調

木蘭花 一調

點絳脣 三調

鷓鴣天 七調

水龍吟 二調

千秋歲 二調

暮山溪 一調

清平樂 一調

雨中花 一調

南鄉子 三調

卜算子 二調

菩薩蠻 一調

蝶戀花 一調

醉蓬萊 一調

南歌子 一調

採桑子 一調

石林詞目錄終

宋六十名家詞

石林詞目錄

二

石林詞

宋 葉夢得

賀新郎

或刻李王

睡起流鶯語掩蒼苔房樞向晚亂紅無數吹盡
殘花無人見惟有垂楊自舞漸暝靄初回輕暑
寶扇重尋明月影時塵侵上有繁鸞女驚舊恨
遽如許江南夢斷橫江渚浪黏天葡萄漲綠
半空煙雨無限樓前滄波意誰採蘋花寄取但
悵望蘭舟容與萬里雲飄何時到送孤鴻目斷
千山阻誰爲我唱金縷

水調歌頭

蘇州觀魚臺作

渺渺楚天闊秋水去無窮兩崖不辨牛馬輕浪
舞回風獨倚高樓一笑圍圍遊魚來往還戲此
波中危檻對千里落日照晴空子非我安知
我意真同鷗飛鷗化何有滄海漫冲融堪笑磻
溪遺老白首直鉤溪畔歲晚忽衰翁功業竟安

在徒自兆非熊

又

九月望日與客習射西園余病不能射

霜降碧天靜秋事促西風寒聲隱地初聽中夜
入梧桐起瞰高城回望寥落關河千里一醉與
君同疊鼓闌清曉飛騎引雕弓歲將晚客爭
笑問衰翁平生豪氣安在走馬爲誰雄何似當
筵虎士揮手絃聲響處雙雁落遙空老夫真堪
愧回首望雲中

又

送八舅朝請

江海渺千里飄蕩歎流年等閒疋馬相過奈興
却傷然十載悲歡如夢撫掌驚呼相語往事盡
飛煙此會真難偶此醉且留連酒方半誰輕
便動離絃我歌未闌公去明日復山川空有高
城危檻縹緲當筵清唱餘響落尊前細雨黃花
後飛雁落遙天

又

謝光亭落成

脩眉掃遠碧清鏡走回流堤外柳煙深淺碧瓦
起朱簾分付平雲千里包卷騷人遊思春色入
簾鉤桃李盡無語波影動蘭舟念謝公平生
志在滄洲登臨漫懷風景佳處每難酬却歎從
來賢士如我與公多矣名迹竟誰留惟有尊前
醉何必問消憂

又次韻叔父寺丞林
德祖和休官詠懷

今古幾流轉身世兩莽忙那知一丘一壑何處
不堪藏須信超然物外容易扁舟相踵分占水
雲鄉雅志真無負來日故應長問驥驥空矯
首爲誰昂冥鴻天際塵事分付一輕芒認取騷
人生此但有輕蓬短楫多製芰荷裳一笑陶彭
澤千載賀知章

又發五
中秋

河漢只平野香霧捲西風倚空千嶂橫起銀闕
正當中常恨年年此夜醉倒歌呼誰和何事與

君同莫恨歲華晚客易感梧桐攬清影君試
與問天公遙知玉斧初斲重到廣寒宮付與孤
光千里不遺微雲點綴爲我洗長空老去狂猶
在應未笑衰翁

又

秋色漸將晚霜信報黃花小窗低戶深映微路
繞欹斜爲問山公何事坐看流年輕度拚却鬢
雙華徙倚望滄海天淨水明霞念平昔空飄
蕩徧天涯歸來三徑重埽松竹本吾家却恨悲
風時起冉冉雲間新雁邊馬怨胡笳誰似東山
老談笑淨胡沙

八聲甘州壽陽樓八
公山作

故都迷昨草望長淮依然繞孤城想烏衣年少
芝蘭秀發戈戟雲橫坐看騎兵南渡沸浪駭奔
鯨轉眄東流水一顧功成千載八公山下尚
斷崖草木遙擁崢嶸漫雲濤吞吐無處問豪英

信勞生空成今古笑我來何事愴遺情東山老
可堪歲晚獨聽相聒

又正月二日是歲閏
正月十四日癸丑春

又新正過了問東風消息幾時來笑春工多怠
留連底事猶未輕回應爲殢刀裁剪客易惜花
閒試向湖邊望幾處寒梅好是綠莎新徑剗
安排芳意特地重栽便從今追賞莫遣暫停盃
有千株深紅淺白倩緩歌急管特相催憑看取
碾煙細霽先到高臺

又

問浮家泛宅自玄真去後有誰來漫煙波千頃
雲峰倒影空翠成堆可是溪山無主佳處且徘徊
算雨捲晴野落照天開老去餘生江海伴
遠公香火猶有宗雷便何妨元亮攜酒閒相陪
寄清談芒屨筇杖夏盡駐風月入尊罍江村路
我歌君和莫棹船回

宋六十名家詞

石林詞

又甲辰承詔知止亭初
畢工劉無言相過

寄知還倦鳥對飛雲無心兩難齊漫飄然欲去
悠然且止依舊山西千畝荒園未遍趁雨却鋤
犁敢忘鄰翁約有酒同攜况是岩前新建帶
小軒橫絕松桂成蹊試憑高東望雲海與天低
送滄波浮空千里照斷霞明滅卷晴霓君休笑
此生心事老更沉迷

念奴嬌南嶺渡揚子作
雜用調明語

故山漸近念淵明歸意儻然誰論歸去來今秋
已老松菊三徑猶存稚子歡迎飄飄風袂依約
舊衙門琴書蕭散更欣有酒盈尊惆悵萍梗
無根天涯行已偏空負田園去矣何之窗戶小
容膝聊倚南軒倦鳥知還晚雲遙映山氣欲黃
昏此還真意故應欲辨忘言

又中秋燕客有懷王
午歲吳江長橋

洞庭波冷望水輪初轉滄海沉沉萬頃孤光雲

陣卷長笛吹破層陰洶湧三江銀濤無際遙帶
五湖深酒闌歌罷至今疊怒龍吟 回首江海
平生漂流客易散佳會難尋綠綳高城風露爽
獨倚危闌重臨醉倒清尊姁娥應笑猶有向來
心廣寒宮殿爲予聊借瓊林

或刻百字令
字句迥異

又

雲峰橫起障吳關三面真成尤物倒卷回潮目
盡處秋水粘天無壁綠鬢人歸如今雖在空有
千莖雪追尋如夢謾餘詩句猶傑 聞道尊酒
登臨孫郎終古恨長歌時發萬里雲屯瓜步晚
落日旌旗明滅鼓吹風高画舫遙想一笑吞窮
髮當時曾照更誰重問山月

滿庭芳

雨後極目亭寄示
張敏仲程致道

麥隴如雲清風吹破夜來疎雨纔晴滿川煙草
殘照落微明縹緲危欄曲檻遙天盡日腳初平
青林外參差暝靄縈帶遠山橫 孤城春雨過

綠陰是處時有囀聲聞落絮遊絲畢竟何成信
步蒼苔遠徧真堪付閑客閒行微吟罷重回皓
首江海渺送情

又

張敏叔程致道和
示張仲甫尚書

楓落吳江扁舟搖蕩暮山斜照催晴此心長在
秋水共澄明底事經年易拚驚鴻遺恨悄悄難平
臨風處佳人萬里霜笛與誰橫 長城誰敢犯
知君五字元有詩聲笑茅舍何時歸此真成絲
鬢朱顏老盡柴居在行卽終行聊相待狂唱醉
舞離老未忘情

又

次韻俞紫翔王
道濟大夫見寄

一曲離歌煙林人去馬頭微雪新晴隔年光景
回首近清明斷送殘花又老春波靜湖水初平
誰重到雕欄盡日遙想画橋橫 高城凝望久
何人爲我重唱餘聲問桃李更有幾處陰成老
去從遊似夢尊前事空有經行猶能記慙慙寄

語多謝故人情

滿江紅 重陽賞菊時
余已降代

一朵黃花先催報秋歸消息滿芳枝凝露爲誰
裝飾便向尊前拚醉倒古今同是東離側問何
須特地賦歸來拋彭澤回首去年時節開口
笑真難得使君今那更自成行客霜鬢不辭重
掉滿他年此會何人憶記多情曾伴小關干親
攀摘

又

雪後郊原煙林外梅花初折春欲半猶自探春
消息一眼平蕪看不盡夜來小雨催新碧笑去
年攜酒折花人花應識蘭舟漾城南陌雲影
淡天容窄繞風漪十頃咽浮晴色恰是搓頭收
釣處坐中仍有江南客問如何兩葉下蒼溪吞
雲澤

應天長 自題上縣
飲通具作

松陵秋已老正柳嘶田家酒陪初熟鱸膾專羹

萬里水天相續扁舟波浩渺寄一葉暮濤吞沃

青弱笠西塞山前自翻新曲來往未應足便

細雨斜風有誰拘束陶寫中年何待更須絲竹

鷗夷千古意算入手比來尤速最好是千點雲

峯半篙澄渌

定風波 與幹象才卿步
西園始見青梅

破夢初驚一點紅又看青子映簾櫳水雪肌膚

誰復見清淺尙餘疎影照晴空惆悵年年桃

李伴腸斷祇應芳信負東風待得微黃春亦暮

煙雨半和飛絮作濛濛

又

渺渺空波下夕陽勝痕初破水風涼過雨歸雲

留不住何處遠村煙樹半微茫莫笑經年人

老矣歸計得遲留處也何妨老子興來殊不淺

簾捲更邀明月坐胡床

又

千步長虹跨碧流兩山浮影轉頭付與詩人
都總領風景更逢仙客下瀛洲 嫋嫋涼風吹
汗漫平岬遙空新卷絳河收却怪姮娥真好事
須記探支明月作中秋

又

斜漢初看素月流坐驚金餅出雲頭華髮蕭然
吹素領光景何妨分付屬滄洲 莫待霜花飄
燭煨蕓岫更憑佳句盡拘收解與破除消萬事
猶記一尊同得二年秋

江城子

原刻六闕破銀滿無際
卷蓬瀛是東坡詞刪去

碧潭浮影蘸紅旗日初遲漾晴漪我欲尋芳先
遣報春知盡放百花連夜發休更待曉風吹
滿搗尊酒弄繁枝與佳期伴羣嬉猶有邦人爭
唱辭翁詞應笑今年狂太守能痛飲似當時

又
大雪與客
登極目亭

踟躕飛舞半空來曉風催巧紫起野曠天遙回

望興悠哉欲問玉京知遠近試攜手上高臺

雲濤無際卷崔嵬歛浮埃照瓊瑰點綴林花真

個是多才說與化工留妙手休盡放一時開

又
再送
盧倅

芙蓉開過雨初晴曲池平畫橋橫耿耿銀河遙

下蘸空明一舸吳松歸未得聊共住小蓬瀛

問君何事引前旌趣歸程背高城魚鳥三年誰

道總無情試遣他年歌此曲應尚記別時聲

又
登小吳
臺小飲

生涯何有但青山小溪灣轉潏潏投老歸來終

寄此山間茆舍半欹風雨橫荒徑晚亂榛菅

強扶衰病上巉巔水雲閒伴躋攀湖海蒼茫千

里在吳關漫有一盃聊自醉休更問鬢毛斑

又
次韻葛魯
卿上元

甘泉祠殿漢離宮五雲中渺難窮永漏通宵盡

矢轉金銅曾從鈞天知帝所孤鶴老寄遼東

強扶衰病步龍鍾雪花濛打窗風一點青燈倘

悵伴南宮唯有使君同此恨丹鳳口水雲重

竹馬兒

與君記平山堂前細柳幾同同挽又征帆夜落
危檻依舊遙臨雲嶽自笑來往匆匆朱顏漸改
故人俱遠橫笛想遺聲但塞松千丈傾煙蒼蘚

世事終何已田陰縱在歲陰仍晚殆康老來

尤懶只要草羹孤飯却欲便買茆廬短蓬輕櫂

尊酒猶能辦君能過我水雲聊爲伴

浣溪沙

重陽一日
極目亭

小雨初回昨夜涼繞籬新菊已催黃碧空無際

卷蒼茫千里斷鴻供遠目十年芳草掛愁腸

緩歌聊與送瑤觴

又

睡粉輕消露臉新醉紅初破玉肌勻尊前留得

兩州春剗挽雕盤歌醉帽重催飛騎走紅塵

十年蘭蕙笑騷人

又

送盧倅

荷葉荷花水底天玉盞冰酒釀新泉一歡聊復

記他年我亦故山歸去客與君分手暫流連

佳人休唱好因緣

又

盧倅在亭

休笑山翁不住山二年偷向此中閒歸來贏得

鬢毛斑甕底新醅供醑酌城頭曲檻俯涼溝

山翁元在此山間

又

許公堂席上
次韻王幼安

絳蠟燒殘夜未分寶箏聲暝拍初勻斗樞光照

坐生春復恐賜還歸袂繡莫辭揮翰落煙雲

鳳城西去斷離魂

又

用前韻再
俞幼安

綠野歌歡喜見分驂驚和氣曉來勻妙歌誰敢

和陽春 梅逵舊年迎臘雪月華今夜破寒雲

獨醒爭笑楚人魂

又存之園亭席上

物外光陰不屬春斷留風景伴佳辰醉歸誰管

斷腸人 柳絮尙飄庭下雪梨花空作夢中雲

竹間籬落水邊門

又席上

千古風流詠白蘋二年歌笑擁朱輪翩翩却憶

上林春 劬屨便應陪北闕矜襦那更假西人

玉堂金殿要詞臣

永遇樂 寄懷張敬

蘋芷芳洲故人回首雲海何處五畝荒田慙勤

問我歸此真成否洞庭波冷秋風嫋嫋木葉亂

隨風舞記扁舟橫斜載月目極暮濤煙渚 傳

聲試問垂虹千頃蘭棹有誰重駐雪濺雷翻潮

頭過後飄影歎前浦此中高興何人解道天也

未應輕付且留取千鍾痛飲與君共賦

又蔡州後守頤昌與客會別席

天末山橫半空簫鼓聲觀高起指點裁成東風

滿院總是新桃李綸巾羽扇一尊飲罷目送斷

鴻千里攬清歌餘音不斷縹緲尙縈流水 年

來自笑無情何事猶有多情遺思綠鬢朱顏匆

匆拚了却記花前醉明年春到重尋幽夢應在

亂鶯聲裏拍闌干斜陽轉處有誰共倚

臨江仙

聞道今年春信早梅花不怕餘寒憑君先近向

南看香苞開遍未莫待北枝殘 腸斷龍頭他

日恨江南幾驛征鞍一盃聊與盡餘歡風情何

似我老去未應闌

又雪後寄

夢裏江南渾不記祇今幽戶難忘夜來急雪繞

東窗竹窗松徑裏何處問歸隍 危底新晴應

已熟一尊知與誰嘗會須雄筆卷蒼茫雲濤聲
隱戶琅玉照頽牆

又與客湖上飲

不見跳魚翻曲港湖邊特地經過蕭蕭疎雨亂
風荷微雲吹盡散明月墮平波白酒一盃還
徑醉歸來散髮婆娑無人能唱採菱歌小軒欹
枕簾檐影挂星河

又送章長卿還姑蘇寄程致道

碧瓦新霜侵曉夢黃花已過清秋風飄何處挂
扁舟故人歸欲盡斜日更回頭樂園橋邊頻
借問有人高臥江樓寄聲聊爲訴離憂桂枝應
已老何事久淹留

又席上次韻韓文若

聞道安車來過我百花未敢飄零疾催絃管送
五行五朝瞻舊老揮塵聽風生鳳詔遠從天
上落高坐燕喜初醒莫言白髮減風情此時誰

得似飲罷却精神

又巽以道見和俞韓文若之句復會之二首

三月鶯花都過了曉來雲片猶零嵩陽居士記
行行西湖初水滿遙想殺敎生欲爲海棠傳
信息如今底事長醒不應高臥頓忘情畱春春
不住老眼若爲明

又

唱徹陽關分別袂佳人粉淚空零請君重作醉
歌行一歡須痛飲回首念平生却怪老來風
味減半耐易逐愁醒因花那更賦閒情鬢毛今
鬢耳空笑老淵明

又次謝洪忠成湖上

漱澗湖光供一笑未須醉日論千將軍會記舊
臨邊野塘新水浸煙岬酒如船却怪情多春
又老回腸易逐愁煎何如旌旆轡相連凱歌歸
玉帳錦帽碧油前

又同王幼安張忠成
過會稽之園亭

學士園林人不到傳聲欲問江梅曲欄清淺小
池臺已知春意近爲我著詩催急管行觴園
舞袖故人坐上三台幼安與作此歡此宴固難
之少相從
陪不辭同二老倒載習池回

又次韻俞幼安惠成
存之席上梅花

不與羣芳爭豔豔化工自許寒梅一枝臨晚照
歌臺眼明渾未見絃管莫驚催記取劉郎歸
去路千年應話天台酒闌不惜更重陪夜寒衣
袂薄猶有暗香回

又晚之
湖上

三日疾風吹浩蕩綠蕪未偏平沙約同殘影射
明霞水光遙泛坐煙柳互欹斜霜蟄不堪春
點檢爾連又見芳華一枝重插去年花此身江
海夢何處定吾家

又照蘇軾與王取道賀
又方回曾公衮會別

自笑天涯無定準飄然到處遲留與闌却上五
湖舟鐘尊新有味碧樹已驚秋臺上微涼初
過雨一尊聊記同遊寄聲時爲到滄洲遙知款
枕處萬籟看交流

又次葛魯濟法華
山曲水勸酒

山半飛泉鳴玉珮回波倒卷鄉鄰解中駉濯十
年塵青山應却怪此段久無人行樂應須賀
太守風光過眼遠巡不辭常作坐中賓只愁花
解笑衰鬢不宜春

又西園右養
亭新成

手種千株桃李樹參差半已成陰主人何事馬
駉駉二年江海路空負種花心試向中間安
小檻此還長要追尋却驚搖落動悲吟春暉知
早晚爲我變脣林

又南山絕頂作臺
新成與含賓月

絕頂參差千嶂外不知空水相浮下臨湖海見

三州落霞橫暮景爲客小遲留 卷盡微雲天
更潤此行不負清秋忽驚河漢近人流青霄元
有路一笑倚瓊樓

又明日與客復登
臺再前前詩

一醉三年那易得應須大白同浮已知絕景是
吾州婦娥仍有意更肯爲人留 萬籟無聲遙
夜永人間未識高秋從來我客盡風流故知憐
老子尤勝在南樓

又明日小雨已而風大作復
曉曉遲見月與客再登

卷地驚風吹雨過却堪香霧輕浮遙知清影偏
南州萬峰橫玉立誰爲此山留 邂逅一歡須
笑憐年年長記今秋平生江海恨飄流元龍真
老矣無意臥高樓

又詒芳亭
贈生客

一醉年年今夜月酒船聊更同浮恨無羯鼓打
梁州遺聲猶好在風景一時留 老去狂歌君

勿笑已拚雙鬢成秋會須鑿節泝中流一聲雲
外笛驚看水明樓 世傳梁州西梁縣初建此曲
曲遙相近因作竟家明衣曲以梁州名之是
夕約諸君咽夜泛舟故有梁州中流之句

又

草草一年真過夢此生不恨萍浮且令從事到
青州已能從辟穀那更話封留 好月尙尋當
日約故人何啻三秋援素飲寫竹間流此聲誰
解聽吟上仲宣樓

虞美人 雨後同韓魯才柳豆酒來禽花下
作或刻露子驪或刻周美成

落花已作風前舞又送黃昏雨曉來庭院半殘
紅惟有游絲千丈冒晴空 慙勤花下同攜手
更盡盃中酒美人不用歛蛾眉我亦多情無奈
酒闌時

又極耳亭
望西山

翻翻翠葉梧桐老雨後涼生早葛巾藜杖正關
情莫遣繁華容易作秋聲 遙空不盡青天去

一抹殘霞昇病餘無力厭啼攀爲寄曲欄幽意到西山

又上巳席上

一聲鷓鴣催春曉芳草連空遠年年餘恨怨殘紅可是無情客易愛隨風茂林脩竹山陰道千載誰重到半湖流水夕陽前猶有一觴一詠似當年

又同秦寬夫置酒王仲弓出歌人聲甚妙

東風一夜催春到楊柳朝來好莫辭尊酒重攜持老去情懷能有幾人知鳳臺園裏新詩伴不用相追喚一聲清唱落殘危千頃西風煙浪晚雲遲

又

數聲微雨風驚曉燭影欹殘照客愁不奈五更寒明日梨花開盡有誰看追尋猶記清明近爲向花前問東風正使解欺儂不道花應有恨

也匆匆

又寒食泛舟

平波漲綠春堤滿渡口人歸晚短篷輕棹費追尋始信十年歸夢是如今故人回望高陽里遙想車連騎尊前駐檢舊年春應有海棠猶記插花人

又連堂聽起同吹洞簫

綠陰初過黃梅雨隔葉聞鶯語餘暉誰遣夕陽斜時有微涼風動入窗紗天涯走偏終何有白髮空搔首未須錦瑟怨年華爲寄一聲長笛怨梅花

又暗索子因

梅花落盡桃花小春事餘多少新亭風景尙依然白髮故人相遇且畱連家山應在層林外悵望花前醉半天煙霧尙遠空笑取扁舟歸去與君同

減字木蘭花

貴花暫老秋色欲歸還艸艸花下前期花老空
歌鵲踏枝 在醒易醒不似舊時長臨酌玉尊
新涼數盡更籌夜更長

又雪中賞
牡丹

前村夜半每爲江梅腸欲斷淺紫深紅誰信漫
天雲裏逢 醉頭扶起宿酒闌干猶困倚便真

催殘明日東風爲掃看

又玉幼安見和甫
韻復用韵食之

粉消粧半一曲陽春歌始斷便覺香紅十倍光
華咎未逢 楊花吹起猶自風前相枕倚莫恨

春殘畱取新詩仔細看

木蘭花 二月二十六日
曉雨集客湖上

花殘却似春畱戀幾日餘香吹酒面溼煙不隔
柳條青小雨池塘初有燕 波光縱使明如練
可奈落紅紛似霰解將心事訴東風只有啼鶯

千種轉

點絳脣 晚出山榭春初極蕭蕭
側近後生紫芝十一本

高柳蕭蕭睡餘已覺西風勁小窗人靜淅瀝生

秋聽 底事多情欲與流年競殘雲暝墜巾幘

整獨立芝蘭徑

又紹興乙卯登
絕頂水亭

縹緲危亭笑談獨在千峰上與誰同賞萬里橫

煙浪 老去情懷猶作天涯想空惆悵少年豪

放莫學衰翁樣

又丙辰八月二十七日
雨中與何彥亨小飲

山上飛泉漫流水下知何處亂雲無數畱得幽

人住 深閉柴門聽盡空簷雨秋還算小窗低

戶唯有寒蛩語

鷓鴣天 庚子春
賞梅

不怕微霜點玉肌恨無流水照水姿與君著意

從頭看初見今年第一枝 入醉後雲消時江

南春色寄來遲使君盡是花前客莫怪殷勤爲尺圍

又次韻魯卿大
錢觀大湖

又元夕次
前學學

夾路行歌盡落梅篆煙香細暮寒灰雲移碧海

三山近月破中天九陌開追樂事惜多才車

聲遙聽走隨雷十年夢斷釣天秦倚記流霞醉

後孟

又雨後湖上
看落花

小雨初收報夕陽歸雲欲渡轉橫塘空回雨蓋

翻新影不見瓊肌洗暗香追落景弄微涼尚

餘殘淚泥空床祇應自有東風恨長遣啼痕破

曉粧

又續
述白

曉日初開露未晞夕陽輕散雨還微暗搖綿霧

游儻戲斜映紅雲屬玉飛情脉脉恨依依沙

邊空見棹船歸何人解舞新聲曲一試纖腰六

蘭蕙空悲楚客秋旌旗誰見使君遊凌雲不隔
三山路破浪新憑萬里舟公欲去尚能留
行到千未宜休新詩無物堪倫比願探珊瑚出
瑤鈎

又與魯卿曉雨泛舟出
西湖雨煙波定詩

天末殘霞卷暮紅波閒時見浸鳬翁斜風細雨

家何在老夫生涯盡個中惟此意與公同未

須持酒祝牛宮傍人不解青裘意猶說黃金賈

帶重

又

一曲青山映小池綠荷陰盡雨離披何人解識

秋堪美莫爲悲秋浪賦詩攜濁酒遶東籬菊

殘猶有傲霜枝一年好景君須記正是橙黃橘

綠時

張元堅常謂飲或借敗者物之清飲爲萬
物成功之時宋玉作悲秋非是乃作美秋

云賦

水龍吟西湖燕客作

對花常欲流春恨春故遣花飛早晚來雨過綠陰新處幾番芳草一片飄時已知消滅滿庭誰掃料多情也似愁人易感先催起朱顏老
有清明未過但狂風匆匆難保酒醒夢斷年年此恨不禁煙草只恐春口應畱芳信與花爭好
有姚黃一朵慙勤付與送金盃倒

又八月十三日與張少逸游道場山就舟中流命工次笛弄尾迎月唱作

梅枝橫笛孤吹暮雲散盡天如水人間底事忽驚飛墮冰壺千里玉樹風清漫波搖卷與空無際謝綿娥此夜慙勤偏照知人在千山裏
常恨孤光易轉仗多情使君料理口口口口口口口口口口口口口口一盃起舞曲終須記但尊前有酒常追舊事拚年年醉

千秋歲次韻兵曹席孟惠辭中千京寄梅

曉煙溪畔曾記東風面化工要與重裁剪頰黃

明艷粉不美妖紅軟凝露臉多情正是當時見誰向滄波畔特地移開館情一饒愁千點煩君搜妙語為我催清燕須細看紛紛亂盡空凡艷

又小雨達旦東窗獨宿不能寐有懷松江舊游

雨聲蕭瑟初到梧桐響人不寐秋聲爽低簷燈暗淡畫幕風來往誰共賞依稀記得船蓬上

拍岸浮輕浪水闊孤蒲長向別浦收橫網綠菱

衝眼色艇子搖雙槳君莫忘此情猶是當時唱

暮山溪百花洲席上次南司錄董序

一年春事常恨風和雨趁取未殘時醉花前春應相許山翁倒載日暮習池回問東風春知否
莫道空歸去滿城歌吹也似春和豫半笑使君狂占風光不教飛絮明朝酒醒滿地落殘紅
唱新詞追好景猶有君收聚

清平樂

水空相映淡碧涵千頃素練不收寒玉鏡影落
堦無影 纖纖與捧金盃暗香逐鐙徘徊雪盡
玉容開遍東風不管寒梅

雨中花慢

宴食前一日小雨壯丹已
將開與客置酒庭中戲作

痛飲狂歌百計強留風光無奈春去也應知相
賞未忍相違卷地風驚爭催春草萋萋頓回寒威
對黃昏蕭瑟水膚洗盡猶覆霓衣多情斷了
爲花狂惱故飄萬點霏微低粉面粧臺酒散淚
顆頻揮可是盈盈有意祇應真憐分飛併令吹
盡明朝酒醒忍對紅稀

南鄉子

池亭新成晚步

淡碧熏鱗鱗照眼全無一點塵百草千花都過
了初新翠竹高槐不占春 歌嘯塵綸巾午醉
醒來尙欠伸待得月明歸去也青蘋更有涼風

解送人

又自後園晚步湖上

小院雨新晴初聽鶯鶯第一聲滿地綠陰人不
到盈盈一點孤花尙有情 却傍水邊行葉底
跳魚浪自驚日暮小角何處去斜橫衝破浪痕

久未平

又

至明種梅於西農地境難立石岡無花
今歲十一月報先開數枝喜而爲賦

山畔小池臺曾記幽人著意栽亂石參差春至
晚徘徊素景衝寒却自開 絕絕照瓊瑰孤貞
芳心巧剪裁應恐綠穠穠綺夜殘盃且放疎枝
待我來

卜算子

原皇亭納涼

新月挂林梢暗水鳴枯沼時見疎星落面簷幾
點流螢小 歸意已無多故作連環繞欲寄新
聲問採蓮水闊煙波渺

又

並開垣種木芙蓉九月旦盛開

曉雨洗新粧豔豔驚衰眼不趁東風取次開待

得清霜晚 曲港照回流影亂 微波淺作態低昂 好自持水閣煙波遠

菩薩蠻

謝光亭曉集○草堂集作重疊金○秋思

平波不盡蘼蕪遠 清霜半落沙痕淺 煙樹晚微茫 孤鴻下夕陽 梅花消息近 試向南枝問記 得水邊春江南別後人

蝶戀花

薄雪消時春已半 踏遍蒼苔 手挽花枝看一綫 遊絲牽不斷 多情更覺蜂兒亂 盡日平波同遠岫 倒影浮光却記冰初泮 酒力無多吹易散 餘寒向晚風驚慢

醉蓬萊

楚州上巳饗計下西湖寄曾在之王仲弓韓文表

問東風何事斷送殘紅 便拚歸去 牢落征蓬笑行人 獨旅一曲陽關斷 雲殘靄微 渭城朝雨欲寄離愁 綠陰千轉黃鸝空語 遙想湖邊浪接空翠 絃管風高 亂花飛絮 曲水流觴 有山公行

處翠袖朱闌故人應也弄 西窗煙浦會寫相思 尊前爲我重翻新句

南歌子

是日微雨過午而霽晚逢月出次劉無言韻

雨僧山客欽雲矜 棹影開忽看霽色射林隈 爲問明亭清影爲誰來 盍洗婦時路直傾辭後 孟未應霜雪遽相催 畱得佳期猶在笑徘徊

採桑子

冬至日與許幹參寥章夷道飯積善院歸雲作困留小飲

山蹊小路歸來晚 暮雪繽紛 尊酒慙慙 邂逅相逢只有君 全家住處無人到 元在重雲 此景誰分 萬玉參差更作羣

少遜自稱石林居士晚年居卞山下奇石森列藏書數萬卷嘯詠自娛所挾詩文甚富

富有近原幕賓是莫與韓後人舍倫石林

總集百卷行世外石林詞卷終雖極並

情俾有林下風不作柔語婦人真詞家造品

也善辭筆始末其載年譜及本傳湖南毛

晉書

石林詞
終